

奉天通志

十五箇之三

奉天通志卷二百三十六

藝文十四 文徵

文徵八 外編 文

代王嘉 趙悼襄王之適子

遺燕王喜書

秦所以尤追燕急者以太子丹故也今王誠殺丹獻之秦王秦王

必解而社稷幸得血食 史記刺客傳秦拔薊城擊燕王喜太子丹等

遺燕王喜書

以上秦

漢安帝

詔玄菟太守姚光等

遂成等桀逆無狀當斬斷菹醢以示百姓幸會赦令乞罪請降鮮卑濊貊連年寇鈔驅掠小民動以千數而裁送數十百人非向化之心也自今以後不與縣官戰鬥而自以親附送生口者皆與贖直縑人四十匹小口半之

後漢書

孔融

字文舉孔子二十世孫

遣問邴原書

隨會在秦賈季在翟諮仰靡所歎息增懷頃知來至近在三山詩不云乎來歸自鎬我行永久今遣五官掾奉問榜人舟楫之勞禍福動靜告慰亂階未已阻兵之雄若棊弈爭梟

魏志邴原傳

管寧

字幼安北海朱虛人

辭辟別駕文

州民管誕燕雀之賤栖朝桐之華夫別駕者明使君之羽翼顯化

之鷹揚宜得英儒非誕疑當作闡昧所可私者書鈔七十三引兩

引管寧集是在案魏志本傳不言

以上漢

魏明帝諱叡文

赦遼東吏民公文當是青龍元年

告遼東玄菟將校吏民逆賊孫權遭遇亂階因其先人劫略州郡
遂成羣凶自擅江表含垢藏疾冀其可化故割地王權使南面稱
孤位呂上將禮呂九命權親义手北向稽顙假人臣之寵受人臣
之榮未有如權者也狼子野心告令難移卒歸反覆背恩叛主滔
天逆神乃敢僭號恃江湖之險阻王誅未加比年已來復遠遣船

越渡大海多持貨物誑誘邊民邊民無知與之交關長吏曰下莫肯禁止至使周賀浮舟百艘沈滯津岸貿遷有無既不疑拒齎曰名馬又使宿舒隨賀通好十室之邑猶有忠信陷君於惡春秋所書也今遼東玄菟奉事國朝紆青拖紫曰千百爲數戴纒垂纓咸佩印綬曾無匡正納善之言龜玉毀於匱虎兕出於柙是誰之過歟國朝爲子大夫羞之昔狐突有言父教子貳何曰事君策名委質貳乃辟也今乃阿順邪謀脅從姦惑豈獨父兄之教不詳子弟之學習非而已哉若苗穢害田隨風烈火芝艾俱焚安能白別乎且又此事固然易見不及鑒古成敗書傳所載也江南海北有萬里之限遼東君臣無怵惕之患利則義所不利貴則義所不貴此爲厭安樂之居求危亡之禍賤忠貞之節重背叛之名蠻貊之長

猶知愛禮曰此示人亦難爲顏且又宿舒無罪擠使入吳奉不義之使始與家訣涕泣而行及至賀死之日覆衆成山舒雖脫死魂魄離身何所逼迫乃至於此今忠臣烈將咸忿遼東反覆攜貳皆欲乘桴浮海期於肆意朕爲天下父母加念天下新定旣不欲勞動干戈遠涉大川費役如彼又悼邊陲遺餘黎民迷誤如此故遣郎中衛慎邵瑁等且先奉詔示意若股肱忠良能效節立信曰輔時君反邪就正曰建大功福莫大焉儻恐自嫌已爲惡逆所有染汚不敢倡言永懷伊戚其諸與賊使交通皆赦除之與之更始

魏志

公孫度傳
引吳書

曹植

字子建
魏武帝子

諫伐遼東表

臣伏呂遼東負阻之國勢便形固帶呂遼海今輕軍遠攻師疲力屈彼有其備所謂呂逸待勞呂飽制飢者也呂臣觀之誠未易攻也若國家攻而必尅屠襄平之城懸公孫之首得其地不足呂償中國之費虜其民不足呂補三軍之失是我所獲不如所喪也若其不拔曠日持久暴師於野然天時難測水溼無常彼我之兵連於城下進則有高城深池無所施其攻退則有歸塗不通道路讎泐東有待釁之吳西有伺隙之蜀吳起東南則荆陽騷動蜀應西境則雍涼參分兵不解於外民罷困於內促耕不解其飢疾蠶不救其寒夫渴而後穿井飢而後殖種可呂圖遠難呂應卒也臣呂爲當今之務在於省徭役薄賦斂勸農桑三者皆備然後令伊管之臣得施其術孫吳之將得奮其力若此則泰平之基可立而待

康哉之歌可坐而聞曾何憂於二敵何懼於公孫乎今不恤邦畿之內而勞神於蠻貊之域竊爲陛下不取也

藝文類聚
二十四

桓範

字元則
沛國人

薦管寧表

臣聞殷湯聘伊尹於畎畝之中周文進呂尙於渭水之濱竊見東莞管寧束修著行少有令稱州閭之名亞故太尉華歆遭亂浮海遠客遼東於混濁之中履清潔之節篤行足呂厲俗清風足呂矯世呂簞食瓢飲過於顏子漏室敝衣踰於原憲臣聞唐堯寵許由虞舜禮支父夏禹優伯成文王養夷齊及漢祖高四皓之名屈命於商洛之野史籍歎述呂爲美談陛下紹五帝之鴻烈竝三王之逸軌膺期受命光昭百代仍有優崇之禮於大夫管寧寵呂上卿

之位榮呂安車之稱斯之爲美當在魏典流之無窮明世之高士也臣呂爲既加其大不愛其細可重之呂玄纁聘之殊禮矣

藝文類聚

三十
七

與管寧書

鑿坯而處養德顯仁堯舜在上許由在下箕山之志於是復顯嚴平鄭真未足倫比清聲遠播頑鄙慕仰思請見於蓬廬之側承訓誨於道德之門厥塗無由託思晨風

藝文類聚
三十七

程喜

字申伯

答詔問管寧

寧有族人管貢爲州吏與寧鄰比臣常使經營消息貢說寧常著皂帽布襦袴布裙隨時單複出入閨庭能自任杖不須扶持四時

祠祭輒自力強改加衣服著絮巾故在遼東所有白布單衣親薦饌饋跪拜成禮寧少而喪母不識形象常特加觴泣然流涕又居宅離水七八十步夏時詣水中澡灑手足闕於園圃臣揆寧前後辭讓之意獨自呂生長潛逸耆艾智衰是呂棲遲每執謙退此寧志行所欲必全不爲守高

魏志管寧傳

母丘儉

字仲恭河東聞喜人

上疏請定遼東

景初元年七月

陛下卽位已來未有可書吳蜀恃險未可卒平聊可呂此方無用

之士克定遼東

魏志衛臻傳

何曾

字穎考陳國陽夏人

上魏明帝疏請選征遼東副將

景初二年正月

臣聞先王制法必於全慎故建官受任則置假輔晉書佐則陳師

命將則立監貳宣命遣使則設介副臨敵交刃則參御右蓋曰盡

謀思之功防安危之變也是曰在險當難則權足相濟隕缺不豫

則手足相代其為固防至深至遠及至漢氏亦循舊章韓信伐趙

張耳為貳馬援討越劉隆副軍前世之迹著在篇志今懿奉辭誅

罪精甲銳鋒魏志無此四字紀步騎數萬道路迴阻四千餘里雖假天

威有征無戰寇或潛遁消散晉書作日月命無常期人非金石遠

慮詳備誠宜有副今北軍諸將及懿所督皆為寮屬名位不殊素

無定分統御之尊魏志無此四字卒有變急不相鎮攝存不忘亡聖達所

戒臣愚目為宜選大臣名將威重宿著者盛其禮秩遣詣懿軍進

同謀略退為副佐雖有萬一不虞之災軍主有儲則無患矣魏志

又紀晉書引魏名臣奏傳

吳大帝權

封公孫淵爲燕王詔

故魏使持節車騎將軍遼東太守平樂侯天地失序皇極不建元惡大慙作害於民海內分崩羣生堙滅雖周餘黎民靡有孑遺方之今日亂有甚焉朕受曆數君臨萬國夙夜戰兢念在弭難若涉淵水罔知攸濟是日把旄杖鉞剪除凶虐自東徂西靡遑寧處苟力所及民無災害雖賊虜遺種未伏辜誅猶繫囚枯木待時而斃惟將軍天姿特達兼包文武觀時觀變審於去就踰越險阻顯致赤心肇建大計爲天下先元勳巨績侔於古人雖昔竇融背棄隴右卒占西河日定光武休名美實豈復是過欽嘉雅尙朕實欣之

自古聖帝明王建化垂統呂爵褒德呂祿報功功大者祿厚德盛者禮崇故周公有夾輔之勞太師有鷹揚之功並啓土宇兼受備物今將軍規萬年之計建不世之略絕僭逆之虜順天人之肅激成洪業功無與比齊魯之事奚足言哉詩不云乎無言不讎無德不報今呂幽青二州十七郡七十縣封君爲燕王使持節守太常張彌授君璽綬策書金虎符第一至第五竹使符第一至第十錫君玄土苴呂白茅爰契爾龜用錫冢社方有戎事典統兵馬呂大將軍曲蓋麾幢督幽州青州牧遼東太守如故今加君九錫其敬聽後命呂君三世相承保綏一方寧集四郡訓及異俗民夷安業無或攜貳是用錫君大輅戎輅玄牡二駟君務在勸農嗇人成功倉庫盈積官民俱豐是用錫君袞冕之服赤舄副焉君正化呂德

敬下曰禮敦義崇謙內外咸和是用錫君軒縣之樂君宣導休風
懷保邊遠遠人迴面莫不景附是用錫君朱戶曰居君運其才略
官方任賢顯直錯枉羣善必舉是用錫君虎賁之士百人君戎馬
整齊威震遐方糾虔天刑彰厥有罪是用錫君鐵鉞各一君文和
於內武信於外禽討逆節折衝掩難是用錫君彤弓一彤矢百茲
弓十茲矢千君忠勤有效溫恭爲德明允篤誠感於朕心是用錫
君秬鬯一卣珪瓚副焉欽哉敬茲訓典寅亮天工相我國家永終

爾休

吳志大帝傳
引江表傳

遺公孫淵書

赤烏元年

司馬公善用兵變化若神所向無前深爲弟憂之

晉書宣帝紀又
魏志公孫淵傳

注引漢春秋有末二語云司馬懿
所向無前深爲弟憂也不遺書

奉天通志
卷一百三十六
外編 文 三國
薛綜

字敬文沛郡竹邑人

上疏諫親征公孫淵

夫帝王者萬國之元首天下之所繫命也是以居則重門擊柝以戒不虞行則清道案節以養威嚴蓋所以存萬安之福鎮四海之心昔孔子疾時託乘桴浮海之語季由斯喜拒以無所取材漢元帝欲御樓船薛廣德請刎頸以血染車何則水火之險至危非帝王所宜涉也諺曰千金之子坐不垂堂況萬乘之尊乎今遼東戎貊小國無城池之固備禦之術器械銖鈍犬羊無政往必禽克誠如明詔然其方土寒峭穀稼不殖民習鞍馬轉徙無常卒聞大軍之至自度不敵鳥驚獸駭長驅奔竄一人匹馬不可得見雖獲空地守之無益此不可一也加又洪流混養有成山之難海行無常

風波難免倏忽之間人船異勢雖有堯舜之德智無所施賁育之
勇力不得設此不可二也加呂鬱霧冥其上鹹水蒸其下善生流
腫轉相沆染凡行海者稀無斯患此不可三也天生神聖顯呂符
瑞當乘平喪亂康此民物嘉祥日集海內垂定逆虜凶虐滅亡在
近中國一平遼東自斃但當拱手呂待耳今乃違必然之圖尋至
危之阻忽九州之固肆一朝之忿既非社稷之重計又開闢呂來
所未嘗有斯誠羣僚所呂傾身側息食不甘味寢不安席者也惟
陛下抑雷霆之威忍赫斯之怒遵乘橋之安遠履冰之險則臣子

賴祉天下幸甚

吳志薛
綜傳

陸遜

字伯
言

乞息親征公孫淵疏

淵憑險恃固拘留大使名馬不獻實可讐忿蠻夷猾夏未染王化
烏竄荒裔拒逆王帥至今陛下爰赫斯怒欲勞萬乘汎輕越海不
慮其危而涉不測方今天下雲擾羣雄虎爭英雄踴躍張聲大視
陛下以神武之姿誕膺期運破操烏林敗備西陵禽羽荊州斯三
虜者當世雄傑皆摧其鋒聖化所綏萬里草偃方蕩平華夏總一
大猷今不忍小忿而發雷霆之怒違垂堂之戒輕萬乘之重此臣
之所惑也臣聞之行萬里者不中道而輟足圖四海者匪懷細目
害大彊寇在境荒服未庭陛下乘桴遠征必致闕闕感至而憂悔
之無及若使大事時捷則淵不討自服今乃遠惜遼東之衆與馬
奈何獨欲捐江東萬安之本業而不惜乎乞息六師以威大虜早

定中夏垂隴將來

吳志
陸遜傳